

LOCAL

PROMER PREMIO LOTTO A KEDA AUMENTA

ORANJESTAD(AAN)—Dialuna a tuma lugar sorteo di lotto pa deporte den e oficina principal na San Nicolas. E nummernan ganador ta 1-8-10-15. Un total di 6.257 formulario a wordo registra den computer.

E promer premio di fls.2.646,71 a keda aden, mientras cu 18 persona a gana e segundo premio di fls. 3.234,87. Cada uno lo ricibi e suma total di fls.179,72.

Esnan cu no a reclama nan premio efectivo ainda por haci esaki Diahuebs awor na Idefre, Oranjestad, for di 8 or di mainta te cu 4 or di atardi.

E fundacion a recorda e rebendedornan pa asisti na e reunion organisatorio y informativo Diavierna atardi pa 3 or na Cas di Cultura den local C.

SERVICIO DI LIMPIEZA A DUNA SERVICIO ESPECIAL NA BEACH

ORANJESTAD(AAN)—E departamento di sanidad, cu ta encarga cu limpieza na Aruba, durante Semana Santa a duna encargo na su persona cu ta brinda servicio na e hotelnan, pa recoge sushi tambe na e beachnan, caminda tabata tin campamento.

E trabao a keda coordina y Diavierna Santo, Diasabra, Diadomingo, y Dialuna e truck a pasa recoge sushi y ta e intencion cu e mes tactica lo wordo usa durante e dianan di fiesta relaciona cu Aña di La Reina y Dia di Obrero.

Por a nota cu carbon cu a wordo usa pa haci barbecue no a wordo recoge y a keda ariba beach. E vocero di e Departamento di Limpieza di Aruba a recorda tur hende cu tene barbecue cu mester tira e carbon cu keda atras den baril pa asina mantene nos beachnan limpi.

CADA 35 DIA UN BARCO

ORANJESTAD(AAN)—E promer tanquero cu combustible pa uso local a descarga mientrastanto y segun informe lo spera yegada di otro bapor pa fin di April inicio di Mei.

Ta e intencion pa cada 35 dia un bapor carga cu combustible yega Aruba pa cumpli cu e demanda local.

GRUPO DI TRABAO REUNIENDO

ORANJESTAD(AAN)—Segun informe, diferente grupo di trabao ta reuniendo actualmente pa asina por yega na e preparacionnan necesario pa Status Aparte.

Segun informenan, e cambianan estatal ta topico di diferente reunion na alto nivel durante ultimo dianan.



E Gerente nobo Nijhoff



Acto ceremonial....

BORCHI NOBO TA MARCA RENOVACION DI ARUBA CARIBBEAN

ORANJESTAD(AAN)—Despues cu tur documento a keda firma ayera, y en espera di e garantia cu lo wordo trata e siman aki pa Staten di Antillas como ultimo paso pa cuminsa cu labornan, ayeratardi un borch nobo a keda desvela na Aruba Caribbean Hotel, marcando asina e renovacion di e hotel.

Un grupo di invitados y tambe Señor Betico

Croes, Diputado Michael Kuiperi, Señor J. in het Veld di Bredero cu ta participa den Dutcho mecos cu Golden Tulip, representa pa Gedio Spitz, tabata presente na e hotel na momento cu e borch prepara pa Albo a keda desvela.

E Presidente di Aruven Señor Freddy Wever a hiba palabra y a muestra ariba e desaroyonan te na momento cu un solucion a ser haya. Un gradecimento a bay na Mr. Henry Fingal di Arubahuis, cu desde un principio a yuda den e busqueda di un solucion, mecos cu señores Moerman y Palm.

Entre otro oradornan cu a hiba palabra tabata tin señor Spitz, cu a introduci e gerente nobo den persona di señor Dick Nijhoff.

Señor Betico Croes, cu a bisa entre otro cu atrobe turismo mester alivia e situacion cu a presenta su mes cu ciere di Lago.

Manera DIARIO ya a relata den e renovacion y expansion di e hotel un total di 250 persona lo haya trabao y despues 400 lo haya trabao den e hotel.

Economisacion den accion preventivo a significa SUMA ASTRONOMICO A ACOMPAÑA CAMPAÑA RELAMPAGO CONTRA DENGUE

ORANJESTAD(AAN)—Preveni ta mihor cu cura. Especialmente ora e cura ta sumamente costoso y e situacion cu por desaroya sumamente peligroso.

E mensaje aki por keda graba awor den memoria, segun informantenan cu a muestra cu e economisacion ariba tereno di salud publico a significa cu Aruba a wordo presenta cu un gasto enorme na momento cu a resulta cu tin sangura di dengue na nos islanan y pasonan mester a wordo tuma pa yega na accion pa preveni un brote mayor di dengue na Aruba.

Mientras den cuadro di economisacion, e labornan pa combati sangura di dengue a wordo paraliza y e servicio encarga, esta GKMB mas o menos a

wordo elimina o reduci te minimo, informantenan a bisa cu awor Aruba lo mester bay paga alrededor di 4 millon florin na gastonan cu mester a wordo haci den forma di urgencia ora e presencia di e sangura a significa brote di dengue algun luna pasa.

Nos a bay spaar pero a lubida cu salud publico ta un sector dificil pa economisa, un informante a bisa DIARIO.

Awor cu e mensaje a keda graba, intencion lo ta pa no permiti e situacion di emergencia ripiti y lo sigui cu e labornan di combati sangura di dengue.

Mientras e index, esta e cifra cu ta marca presencia di sangura di dengue

a baha considerablemente e spuitmento pa asegura cu por reduci e cifra aun mas y hasta alcanza punto cero, a cuminsa na San Nicolas pa asiba bay cubri tur bario di Aruba.

Lo bay sigui cu e programa pa evita cu e mes situacion lo por bolbe presenta su mes, segun informantenan cu a muestra diario, cu ya no tin mas caso di dengue ta presenta nan mes.

Mientrastanto tambe GKMB ta wordo reorganisa y cu e mes cantidad di trahadornan lo bay traha awor na prevencion cu ya no por ser someti na economisacion, como quiera cu un les a wordo duna di barata cu ta sali caro y a crea un situacion sumamente peligroso.